

مسرحة

# العزف في الظهيرة

تأليف

السيد حافظ

## الفصل الأول

نحن في شقة متواضعة الاثاث .. امرأة في الثلاثينات تجلس تستمع إلي المذياع يبدو واننا في غرفة الاعيشة أمامها كوب من الشاي .. تشاهد التلفزيون .. ثم تغلقه . تفتح مجلة .. المنزل جميل .. ملئ بالزرع " (دق جرس الباب .. تفتح الباب .. نجد أمامها رجل "

رجل ١	مساء الخير
صبرية	مساء النور
رجل ١	مش دا شارع منصور المتيم نمرة ١٥ فيلا الزهرة المقدسة
صبرية	أيوه مضبوط .
رجل ١	ودي فيلا عبد السلام الهلباوي سابقا
صبرية	تمام يا فندم ..
رجل ١	ودلوقتي فيلا محمد إسماعيل صح
صبرية	اسفة .. دي مش فيلا محمد إسماعيل دلوقتي دي فيلتي
رجل ١	(يدخل وهو يضحك) يا فندم حاولي تفهمي دوري كويس محمد إسماعيل مطلوب
	وانا لازم اسلمه ودي فيلته .(يغلق الباب خلفه تجري هي في رعب )
صبرية	انت قفلت الباب ليه ؟ مانا قللت لحضرتك دا شارع منصور المتيم نمرة ١٥ فيلا الزهرة المقدسة .. كل الكلام دا مضبوط .
رجل ١	ودي فيلا عبد السلام الهلباوي سابقا
صبرية	صح .. وهو جوزي وقبل مايموت الله يرحمه كتب لي الفيلا
رجل ١	لا .. دي فيلا محمد إسماعيل محمود
صبرية	صدقني مفيش حد بالاسم دا .. العنوان غلط وحضرتك غلطت في العنوان .. ومش من حقك تقتحم بيتي بالقوة ...
رجل ١	مالك مضطربه كده ليه . احنا عارفين عنه كل حاجة .
صبرية	صدقني انا عايشة هنا لوحدي من خمس سنين بعد وفاة جوزي الله يرحمه
	وماسكنتش حد ولا أعرف حد بالاسم دا ..
رجل ١	(بغضب ) رجالتنا .. اكدوا لنا انه عايش هنا وساكن هنا .. ماتحاوليش تنكري

صبرية	من فضلك .. من يوم ما مات جوزي وانا عايشة هنا لوحدي .. حتي مابزورش حد إلا جرتي اللي قدامي .
رجل ١	دا شئ بديهي لما تبقي فيه جريمة كل واحد بيحاول يتهرب منها انتي عارفة ..
صبرية	اللي بيخبي مجرم من جريمة يبقي مشارك معاه في الجريمة .
رجل ١	جريمة .. جريمة إيه ..
صبرية	انتني حتستعبطي .. أيوه جريمة ..
رجل ١	انهو جريمة ..
صبرية	جريمة ما في زمن ما . وبناء علي هذا فالمجرم مطلوب وعلشان كده ح انفتش الفيل ( بيحاول ان يتجه إلي احد الحجرات .. تقف وتصيح )
رجل ١	من فضلك قبل ماتفتش معاك تصريح من النيابة .
صبرية	(يعود اليها ضاحكاً ساخراً ) نيابة .. نيابة إيه يا هانم ماانا قلت لك.
رجل ١	ما قتلش أي حاجة .. انا بسألك من فضلك معاك تصريح من النيابة .
رجل ١	أنا فوق النيابة انا اللي بأمر النيابة والنيابة تنفذ وتقولي حاضر .. أقوم أخذ منها اذن.
صبرية	مين انت .. انت القانون .
رجل ١	لا .. انا فوق القانون ..
صبرية	دا لغز والاإيه .
رجل ١	الدنيا كلها أغاز .. واحنا علينا نحل الألغاز دي بأرادتنا ووعينا والحقيقه الانسان أكبر لغز في حياتنا .. تسمح لي افتش الفيل ..
صبرية	(تتجه نحو التليفون ) انا ح اتصل بالبوليس حالا .
رجل ١	(يمسك التليفون ) ما تحاوليش تحطي نفسك في موقف حرج .. الفيل دي فيلا محمد إسماعيل
صبرية	الكلام دا غير صحيح .. انا اتجوزت من ١٥ سنة من عبد السلام الهلباوي .وقبل مايموت بخمس سنين كتبها باسمي .. ومعايا المستندات طب أسأل حتي الجيران .
رجل ١	محمد إسماعيل ..شخص معروف وقادر علي التنكروالاختفاء لكن بالنسبة لينا هو معروف واشتري الفيل دي وسكن فيها ..ولازم افتشها
صبرية	لوكنت عايز تفتش علشان تسرق كام حته ذهب والا فلوس .. انا ما عنديش

رجل ١	(يضحك ساخرا ) احنا ما بنسرقش حد يا هانم
صبرية	أمال عايز مني إيه ..
رجل ١	انتى متاكدة أن جيرانك مايعرفوش ان محمد إسماعيل ساكن هنا .
صبرية	ايوه طبعا ( جرس الباب ) يمكن حد من الجيران .
رجل ٢	(تذهب لتفتح الباب.. تجد أمامها رجل ) نعم .
صبرية	الاستاذ يوسف الهمشري ..
رجل	مفيش حد اسمه يوسف الهمشري هنا .. العنوان غلط
رجل ٢	أنا يوسف الهمشري ..
صبرية	اهلاً يا أستاذ يوسف ..انتى مش عارفة هو فيه حد مايعرفش الاستاذ يوسف الهمشري صاحب فيلا الزهرة المقدسة ذي مش عارفها معقولة .
رجل ١	نعم ياخويا .. بتقول إيه .. يوسف مين أنا .
رجل ٢	دا صاحب الفيلا .. مش عارفه .. والإايه والابتشتغلي جديد هنا .. الظاهر انتى من الخدامين بتوع الايام دي .
رجل ١	ادي خدامة اليومين دول
رجل ٢	مشيها ياسيد يوسف ..يلا لمي هدومك في شنطة وأمشي
صبرية	أمشي .. شنطة .. انت بتقول إيه ..
رجل ٢	السيد يوسف الهمشري مايجببش الخدم اللي بيتكلموا كتير ويلتوا ويعجنوا كتير
صبرية	دا بيتي أنا ساكنه هنا .
رجل ٢	اهو دا نتيجة قلبك الطيب ياسيد همشري .
صبرية	إيه اللي بتخرفوه دا .. انا ح اتصل با لبوليس .
رجل ١	مش قلت لك احنا فوق البوليس (يمسك يديها ويدفعها بعيدا )
صبرية	مستحيل ..مستحيل (تمسك يدها من الألم )
رجل ٢	مفيش في العالم دا حاجة أسمها مستحيل .
صبرية	انا مش ممكن اسيب بيتي .. ولااسمح لأي حد يستولي عليه .
رجل ٢	خلاص روجي اعلمي لنا قهوة انا والبيه .
رجل ١	انا بشربها مظبوط .
رجل ٢	وانا علي الريحة

صبرية	( تحاول ان تجري إلي الباب يمسكها رجل ١ )
رجل ١	(يمسكها من شعرها ومن يدها عند الباب) ممكن أسيبك تجري وتصرخي في الشارع باعلي صوت . لكن افتكري كويس ان دا هيصرك لأنهم هيتموكي بالجنون .. لو قلتي فيلا الزهرة المقدسة فيلتي هيوودوكي مستشفى المجانين .. كل الناس شاهدة وعارفة ان الفيلا دي فيلا يوسف الهمشري (جرس الهاتف يرن )
صبرية	التليفون .. التليفون .
رجل ٢	مش لكي .
صبرية	لا .. ليا ..
رجل ١	سيبها ترد .
رجل ٢	(يعيطها الهاتف ) اتفضلي .
صبرية	ألو ..البوليس ..الحقوني ..الحقوني ..
	نعم بتقول إيه .
ص من الهاتف	ألو .. من فضلك الأستاذ يوسف الهمشري
صبرية	يوسف مين ؟
ص من الهاتف	يوسف الهمشري صاحب فيلا الزهرة المقدسة .
رجل ٢	(يتجه اليها يمسك الهاتف ) نعم .. ألو.. أيوه السيد يوسف الهمشري موجود .. دقيقة واحدة .. يذهب إلي رجل ١ ) تليفون علشان حضرتك .
رجل ١	(يمسك الهاتف ويرد ) ألو .. أهلاً.. انا يوسف الهمشري أهلاً أهلاً .. ازيك يا حبيبي انا أسف مش حأقدر اجيلك النهاردة . أنا مشغول عندي ضيوف .. دي صديقة قديمة اسمها صبرية عبد العزيز الدقاق ماتعرفهاش .. بس الظاهر في مشكلة صعبة . انا ح أقعد معاها شوية .. مع السلامة يا حبيبي .. نعوضها بكرة مع السلامة .
صبرية	(تنظر له في ذهول) مش معقول .. اسمي الثلاثي صبرية عبد العزيز الدقاق .. أيوه .. انا ودي فيلتي ملكي .. انا مش ضيفة ..
رجل ٢	الظاهر ان السيد يوسف الهمشري قلبه طيب ودلعك شوية .
رجل ١	فترة الضيافة طالت لما تطول يا صبرية الواحد يتخيل انه صاحب البيت .. انتي فعلاً صاحبة بيت شرفية .. يعني ضيفه ما تعملهش بجد وتقولي دا بيتي ..

- رجل ٢** انتي باين عليكي سيدة رقيقة . ولكن بينقصك التميز بين الضيف وبين صاحب البيت .وبين الوقت المناسب للهازر او الجد ..
- صبرية** البيت دا بيتي وانا مش خدامة ومش ضيفه انا صاحبة فيلا الزهرة المقدسة . ومعايا الحجة .
- رجل ١** مش هي دي (يخرج ورقة من جيبه ) مش دي الحجة ووثيقة البيت .
- صبرية** أيوه هي .. كانت جوه الدولار .. إيه اللي جابها معاك . سرقتها يامجرم .
- رجل ٢** اخرسي (يضرها)
- رجل ١** ماتضربهاش .. الحجة اهي (يمزقها ) استريحتي مش مهم الوثيقة او الحجة .. دا ورق..أي ورق تعوزيه اعملك منه شوية .
- صبرية** مجرمين (جرس الباب) جاني ضيوف .
- رجل ١** دا محمود البواب افتحي الباب .
- صبرية** أه محمود البواب ح اخليه يطردكم فوراً بره ويجيب البوليس .
- (تفتح الباب تجد محمود )
- محمود** الاستاذ يوسف الهمشري موجود .
- صبرية** محمود .. همشري مين .. مش أنا صاحبة الفيلا ..قولهم .. أنا صاحبة الفيلا..
- محمود** انا جيبب الطماطم والبيض واللحمة والفرخ المخلية والكباب اللي طلبه البيه هيجي بعد شوية .
- صبرية** يا محمود روح نادي حد من الجيران و أطلب البوليس.. الناس دول هاجموني واخذو بيتي ..
- محمود** بيت مين ياست صبرية دا بيت السيد يوسف الهمشري .
- صبرية** مش معقول . مش معقول ..حتي انت يا محمود لا يمكن دول يخدعوك ..دي خدعة .. انت مخدوع يا محمود فوق .. إنت فاقد الوعي .. الفيلا دي فيلتي وانت بواب فيلتي .سامع ..(تمسكه من ملابسه )) اتكلم اتكلم .
- رجل ٢** روح يامحمود احسن الست دي تعبانة قوي ..(يعيطونه نقود بقشيش )
- محمود** تشكر يابيه ..دا كتير قوي .
- صبرية** اشتروك يا محمود بفلوس كتير..
- رجل ٣** (يدق الباب )
- صبرية** اصحابي .. حد من الجيران .

- رجل ٣ (تفتح الباب تجد رجل ٣) الاستاذ يوسف الهمشري .
- صبرية يوسف الهمشري .. معقول .. اتفضل .. اتفضل .
- رجل ٣ السيد يوسف
- رجل ١ اهلاً ببيك .
- رجل ٢ مرحب .. مرحب .
- رجل ٣ (تجلس منهارة علي الكرسي )
- فيه إيه مالك ياست انتي ..
- صبرية اوعوا تفتكروا انكم تقدرؤا تخدعوني اوتشككوني في عقلي أو في ممتلكاتي ..
- البيت دا بيتي والستائر دي ستايري اشترهالي جوزي قبل وفاوته .. والصالون .. دا صالوني .. بص شوف الصالون دا .. الجدران دي .. الموبيليا .. الستائر .. الالوان اللي اخترتها بنفسي .. اسأل الخشب الموبيليا .. الحديد . الجدران . اسأل كل حاجة دا بيتي .. بيتي .. ( وتبكي )
- رجل ١ قطعتي قلبي .. بس القلب مش بحاله هنا .. والمشاكل مابتتحلشي بالدموع ولا بالصريخ المشاكل تتحل بالهدء وبا لكلام بالمفاوضات والحوار ..
- رجل ٢ ايوه المفاوضات والحوار ممكن نتناقش مع بعض علشان نحلها .. مشكلتك صعبة جداً .
- صبرية انا ماليش مشكلة . الفيلا دي فيلتي والبيت دا بيتي .. انت أكيد غلطان في العنوان اسأل الجيران .. اسأل إمي .. اختي .. اصحابي .. كل حاجة هنا بيتاعتي . كل هدومي هنا .. المطبخ فيه كل ادواتي .. ياسيد همشري .. أوكدك انها فيلتي وح ادفع عنها لحد آخر قطره في دمي ..
- رجل ١ قطره من دمي .. رجعتي للحماس والحمية والاندفاع .. العنف مابنفعش .. القوة ماتنفعش .. سامع .
- رجل ٣ (يضربها) افهمي كويس .. العنف مش حينفع سامعه والا لا .. ((يمسكها من ذراعها ويديها ))
- صبرية أي أي دراعي حتكسر دراعي ..
- رجل ١ مش معقول اللي يتعمله دا .. احنا عايزين نتناقش ونتحاور .
- صبرية ياسيد يوسف لما جيت هنا سألتيني عن محمد اسماعيل وان دي فيلته وانه ساكن هنا وهريان .

رجل ١	صحيح مضبوط .. انا الكلام دا ...
صبرية	كويس وانا مش قلت الاسم دا مش موجود وانت قلت انا ح ادور عليه ..
رجل ١	برافو عليكى ((يصفق لها )) دا حصل فعلاً ..
صبرية	طيب ازاى فى لحظة اتحولت من فيلا محمد اسماعيل إلى يوسف الهمشري اللي هو حضرتك
رجل ١	انا وهو كنا زمان عايشين فى الفيلا دي .. انا سافرت ورجعت اخذ حقي فيلتي ..حقي ...
صبرية	يعنى انت لك نص الفيلا دي .
رجل ١	لا .. الفيلا كلها ..كلها ..
صبرية	كذاب ..كذاب .
رجل ٢	((يصفعها )) اوعي تقولي للسيد يوسف الهمشري كذاب .
صبرية	أى ..أى بتضربني يا مجرم .
رجل ١	مش عايز عنف ..العنف بيولد عنف ..
رجل ٣	احنا لازم نحضرلها شنطتها .. ولازم تمشي حالا (يدخل ٢ يحضر حقيبة وبعض الملابس)
سندريلا	(يساعده رجل ٣) امشي فين مش ح امشي .مش ح امشي ..
رجل ١	(يمسكها بعنف ) مش عايز اعصابك تثور ويفلت الزمام ..احنا عايزين نوصل للحقيقة .. (جرس الباب ) .
صبرية	افتحوا الباب افتحوا الباب يامجرمين .
رجل ١	روحي افتحي (يدفعها تجري لتفتح الباب)
صبرية	الحقوني (تجد امامها ) رجل ٤ )
رجل ٤	السيد يوسف الهمشري موجود . (تتراجع فى ذهول)
رجل ٤	اتفضل يا صديقي . (يدخل رجل ٥)
رجل ٥	مش معقول ازيك يا صبرية ..انت زي مانت عجزتي شوية مش كده .. احسن خداهم اشتغلك عندك ياسيد همشري ..
صبرية	انا مش خداهم .. انا صاحبة البيت .



رجل ٤	خدامه البيت زي صاحبتة بالظبط .
رجل ٥	الخدم هو صاحب البيت الفعلي .
صبرية	انا مش خدامه . مش خدامه .
الجميع	لا .. خدامه ..
رجل ١	(يخلع كل منهم الجاتيت والبيون ويشير عن ساعديه .ويرتدي قفازاً ابيض )
رجل ٢	انت متهمه بطول اللسان قلة الادب .
رجل ٣	قلنا لك الخدمه مش عيب .
رجل ٤	وانتي بتخدمي عند السيد يوسف الهمشري.
رجل ٥	فأنت في امان وراحة بال .
رجل ١	كم واحدة .. من النساء تتمني ان تخدم السيد الهمشري ..
رجل ١	(يرتدي قناعا ويمسك ميكرفون ) سيدتي لاتحزني ..لاتحزني الحزن لم يعد له
صبرية	معني .. الحزن لايليق بالخدمات .سأكون عطوفاً عليك . ح اديكي شرف الخدمة
رجل ١	في بيتي . واحب أعرفك انا عندي خمس ولاد .. الاربعة دول اللي قدامك والخامس
صبرية	مسافر وانتي هتخدمينا احنا الاربعة "
رجل ١	انا مش خدامه .. انا مش خدامه .. انا لازم اتصل بالبوليس ..
رجل ١	مفيش داعي .. انا قلت لك احنا فوق البوليس
رجل ١	(تتجه نحو النافذة وتصرخ .يجري اليها الرجال الاربعة يجذبونها ويدفعونها
رجل ١	ويغلقون النافذة ) .
رجل ١	(جرس الباب ).. ( تهم لتفتح الباب يمنعونها )
رجل ١	(يفتح الباب يجد ليلي ) مساء الخير ..
رجل ٢	مساء النور يافندم .
رجل ١	مدام صبرية موجودة .
رجل ٣	مفيش حد بالاسم دا هنا .
صبرية	(تصرخ ؟ ) انا هنا .. الحقيني ياليلي .
رجل ١	دا صوتها ..
رجل ١	اتفضلي ياهانم .. اهلاً وسهلاً ..
رجل ١	(تري صبرية) صبرية . مين دول ..
رجل ١	انا صاحب الفيلا ودول ولادي ..بس شئي غريب سننا قريب من بعض ..

لبيلي	مش فاهمه حاجة .. دي فيلا مدام صبرية..
رجل ٢	إيه رأي السيد الهمشري .نشغل الاثنين في البيت .ليلي تطبخ وتغسل وصبرية تنظف الفيلا والجنينة ..
لبيلي	انتم حراميه ..ايوه حراميه .. حراميه ..
رجل ١	احنا اصحاب الفيلا .. الحراميه بنطوا من الشباك احنا دخلنا من الباب .
رجل ٢	الحراميه يدخلوا بالليل احنا جينا الظهر ومفيش حراميه في الظهر..
رجل ٣	الستات اتجننت .
رجل ١	نادي لي البواب (يشير لرجل ٢ )
رجل ٢	حاضر .. (يخرج )
رجل ١	البواب هو الشاهد الوحيد عليكم انتم الاثنين .. الحراس هم الشهود الاوائل في السرقة في الموت في الامن في الحياة ..
رجل ٢	( يدخل ومعه البواب )
البواب	ايوه يا سيد همشري .
رجل ١	بص للستات الحلوين دول .. مين .
البواب	دي خدامه سيدي الهمشري ودي طبخة السيد الهمشري ..
لبيلي	انا طبخة . انا ستك يامغل . جارة الست صبرية . ازاى مش فاكروني ..
البواب	(يضحك ) (( الطبخة اتجننت يابيه .
رجل ١	انا مش عارف ليه متحملها يابيه .
رجل ٢	علشان بتطبخ كويس ياسيد همشري
رجل ١	طبيخها إيه يجنن .. طبيخ مش معقول .
البواب	عايز حاجة يابيه ..
رجل ٢	اتفضل
البواب	حاضر . (يخرج )
لبيلي	(ليلي تجلس علي كرسي لاتستطيع الحركة مكتوفه اليدين )
لبيلي	الراجل اتجنن
صبرية	مش مجنون واعاقل جداً
رجل ١	هايل انك اعترفتي انك خدامه .
لبيلي	بتقول إيه .. خدامه إيه .

صبرية	الحقيقة . الحقيقة ياليلي..
رجل ٢	(يصفق ) برافو ..برافو.. ياليلي فهمتي ازاى تتعاملى معايا بشكل كويس ..
لبلي	انتى اتجننتى . ازاى تكلميه باللهجة دي ..من المؤكد انتى حصلك خبل او اتجننتى ..فوق ماتخفيش منهم .
رجل ١	الله انتى بتخلها تتمررد علينا والا إيه
لبلي	انا مش خدامه .
رجل ١	معايا بطاقة بتقول انك كنتى خدامه محمد اسماعيل اهي .. (يخرج بطاقة ) مش صورتك .واسمك ليلي محمد فهمي والوظيفة خدامه السيد محمد اسماعيل .
لبلي	انا مش خدامه .
رجل ١	(يصفعها ) . اخرسى .. اما اقول لك خدامه تبقي خدامه ..سامعه والا لا
لبلي	انا مش خدامه .. انا زوجة محترمة وعندي تلت ولاد وجوزي مهندس كبير ..
رجل ٤	مهندس كبير (يضحك ) دا راجل مش محترم ازاى راجل محترم يتجوز واحدة حقيرة زيك .مالكيش أي مبدأ ولا أي هواية .
رجل ٣	رفضتي انه يسافر لأوروبا في بعثة خفتى انه يتجوز واحدة هناك وحطمتى مستقبله .
رجل ١	تبقي ست قوية الشخصية لأنها اثرت عليه .ياذكية
رجل ٢	ياذكية (يداعبها في خدها الأيمن ) .
رجل ٣	ياذيكو ( يداعبها في خدها الأيسر ) .
رجل ٥	يا زك زك ( يداعبها في وسطها ) .
صبرية	ابعدوا عنها ..ابعدوا عنها . من فضلكم .
رجل ١	الارملة العذراء .. مش دا اسم كويس علشانك لانك اتجوزتي يادوبك شهر واحد وعشتى عانس اكتر من ثلاثيين سنة ولاقل
صبرية	جوزي كان فارس .
رجل ١	مش قوي كده كل الستات اول ماجوزها يموت تقول عنه كلام وحش قوي دا كان صفته .. كان نعته .ولما تنكسف من الناس تقول بس لو لفيت الدنيا مش . ح
صبرية	القي ضوفره .علشان الناس ماتقوليش عليها خاينه ..مع ان جوزك كان خاين .
صبرية	عمره ماعرف واحدة غيري .
رجل ١	كان بيخون صحابه الرجالة .

- صبرية**  
**رجل ١**  
 انت جاية تنتقم منه .  
 انتقم من مين .. دا راجل كان عنده رغبة . ان يحرر العالم من القهر والخوف  
 والعبودية دا راجل مجنون ..  
**صبرية**  
**رجل ١**  
 راجل مجنون لأنه كان عايز يحرر العالم .  
 العالم مايقدرش تغيره ولا تحريره لأن فيه الناس اتخلقت تحب العبودية يحب يكون  
 خدام وفيه ناس اتخلقت علشان تكون سادة .. وانا من سادة هذا العالم . إيه رايك  
 تسمح لي برقصة ترقص مع سيد من سادة هذا العالم باين عليكي رشيقة ..  
**صبرية**  
**ليلي**  
 ايوه انا عايزة ارقص ..  
 تعملي إيه .  
**صبرية**  
 ح ارقص .. ح ارقص من اجل هذا السيد .سيد من سادة العالم ..  
 ((ترقص معه رقصة تانجو ))  
 (ليلي في ذهول وقد امسكها رجلا )  
 (( يتحدث رجل ١ مع صبرية ))  
 انتي ترقصي كويس .  
**رجل ١**  
**صبرية**  
 انت عارف عني كل حاجة يا سيد همشري .  
**رجل ١**  
 انا ما اسميش يوسف الهمشري .  
**صبرية**  
 عارفه ..  
**رجل ١**  
 انت ذكية .  
**صبرية**  
 قلت لك انا اسمي صبرية مش ذكية  
 ((يضحكان ))  
**رجل ١**  
 (يضمها اليه..تدفعه ) إيه دا ..اللي عملتيه دا ...  
**صبرية**  
 انا ست محترمة .  
**رجل ١**  
 مفيش حد محترم الأيام دي .. العالم اللي احنا فيه مفيهوش حد محترم ..واللي  
 عامل فيه محترم نحوله إلي بني ادم مش محترم ..بكل الوسائل بكل الطرق ..  
 احسن لك علشان عيونك تسمعي الكلام وتطعيني احسن ..  
**صبرية**  
 بتهدديني .  
**رجل ١**  
 دا مش تهديد . دا تحذير . وفي فرق بين التهديد والتحذير .. وعلشان كده  
 باحذرك .. علشان ماتعرضيش نفسك لمواقف سخيفة

لبلبي	انت مالکش قلب .
رجل ١	لا ..
لبلبي	مالکش زوجة .
رجل ١	لا ..
لبلبي	مالکش اخت . مالکش أم مش معقول مالکش أم .
رجل ١	( يضربها ) اوعي تجيبي سيرة مامي ..
لبلبي	العار عليك . ربنا مش يسامحك علشان تحطنا في الموقف السخيف دا ...
رجل ١	( يضربها ) اخرسي . اوعي تجيبي سيرة مامي . اوعي انا عارف ان الستات تحب الكلام الكثير والرغي لكن في لحظه انفعال تدعي عليا . اوعي تنسي نفسك انا بقول عليك انك ست متزنه وعليك تفكري بعقلك مش بعواطفك ولابعادتك ولابتقاليدك وبأي شئ ثاني ..
لبلبي	انت مجنون أكيد ..
رجل ١	قليلة الادب (يصفعها )
رجل ٢	ماتخليش السيد همشري ينفعل .. اسمعي الكلام وطيعه .
لبلبي	بأي حق .. إيه الحق اللي معاك .
صبرية	قلت لك ياليلي ماتتكلمش عن الحقوق .
رجل ٢	الظاهر الست صبرية متزنة وعاقله وفاهمة ..
رجل ٤	ايوه صحيح . فاهمة جداً .
رجل ٥	ومتعاونة جداً .
رجل ١	((يصفق )) صفقوا للست صبرية عبد العزيز .
	((يصفقون جميعهم وكأنهم تلاميذ في مدرسة ))
لبلبي	(تبكي ) انا مش فاهمة حاجة ..
صبرية	إيه طلباتك ياسيدي ..
رجل ١	(لرجل ٢) نسمع مزيكا .. مزيكا وليلي وصبرية يرقصوا لنا الاثنين حزموهم ..
	(يقوم الرجال بتحزيم ليلي وصبرية . رغم مقاوتهما )
رجل ٣	والان نقدم لكم الراقصة ليلي منصور خليل
رجل ٢	مش دا .. أسمك بالكامل
لبلبي	ايوه .. عرفتوا منين ..

- رجل ١ أبوكي منصور خليل كان موظف بالسكة الحديد .
- لبيلي عرفت منين .
- رجل ٢ أبوكي كان راجل مرتبه قليل وعليه ديون
- رجل ٣ للبقال والجزار والفران وفي كل اول شهر يتهرب منهم وهو داخل الحارة .
- لبيلي عرفتوا كل دا منين .
- رجل ١ احنا بنعرف كل حاجة . ماتقولها يا صبرية مش تفهميها يا صبرية . اننا فوق القانون واحنا عندنا ملف عن كل انسان .. نسمع المزيكا ونشوف الرقص .
- رجل ٣ ((يخرج شريط تسجيل ويضعه في مسجل صغير ويدوس علي الزر))
- يصفقون في وجههما والمرأتان تبكيان وترقصان والرجال قد تحولوا إلي وحوش وحولهما ذبيحتين والرجال تضحك في هستيريا ((
- رجل ٤ (يخرج زجاجة وسقي )
- رجل ٥ (يحضر اكواب من المطبخ )
- رجل ٣ (يوزع المشروب الموسيقي )
- رجل ٢ (يوزع علي الجميع ثم يتوقف )
- رجل ١ وقفوا المزيكا .. كل واحد ياخذ الكاس بتاعه
- رجل ٤ خدي يا صبرية .
- صبرية مابشريش .
- رجل ١ متشربي .
- رجل ٢ اشربي ياليلي .
- لبيلي مابشريش .
- رجل ٣ (يضرب ليلي ) اشربي .. امسكي .
- لبيلي حاضر . (تمسك الكاس )
- صبرية (تمسك الكاس ) انا ح اشرب .
- رجل ١ ايها الاصدقاء نحن نحتفل بمناسبه عزيزة مناسبه حصولنا علي بيتنا العزيز الحق عاد لاصحابه
- ((يرفع الرجال كؤوسهم )) (ماعدنا ليلي وصبرية )
- لبيلي بيت مين اللي عاد .
- صبرية بيتي انا بيتي دا ..

- ليلي** حرام .. حرام .. مش بيتكم دا بيتها .
- رجل ١** خلاص اشكرتم يا اصدقائي الاعزاء إيه رايكم لو اكلنا لحمة مشوية .
- رجل ٢** الله لحمة مشوية .
- رجل ١** صبرية روعي المطبخ وجهزي لنا لحمة مشوية .
- صبرية** ما عنديش لحمة في التلاجة .
- رجل ٢** جيبنا اللحمة وجاهزة .
- رجل ٣** (يخرج من الحقيبة لفافة ويعطيها للفاقة )  
اللحمة اهي .. اشويها .. دي لحمة طازه .
- رجل ١** انتي طبخة معروفة ومشهورة فاكدة مرة مشويتي لحمة وجوزة حطها في بقة صرخ خفتي تكون مسمومه .. قالك لا .. دي ضروسي وجعاني ..
- صبرية** الحكاية دي حصلت فعلاً .. عرفت دا منين .
- رجل ١** مش قلت لك احنا عارفين كل حاجة .  
(يضحكون .. جميعاً )
- يلا يا صبرية خدي ليلي و روعي المطبخ وخلل بالكم لوفتحتم باب المطبخ علشان تهربوا الجينية فيه اثنين رجالة عند الباب لو واحدة فيكم صرخت والا اتكلمت حيقطعو رقببتكم .. خدهم (رجل ٣ ، ٤ ، يخذيان ليلي وصبرية للمطبخ )
- رجل ١** نسمع مزيكا ..  
(يجلس رجل ١ يسمع المزيكا )  
(يفتح التلفزيون )  
(يشعر بضيق )
- رجل ١** نادي لي الستات اللي جوه دول ..
- رجل ٢** يا صبرية . ياليلي تعالوا ...  
(يحضران المرأتين )
- رجل ٣** إيه يا كسالي .. السيد الهمشري يرغب في تناول الطعام ..
- رجل ١** مش عارف ازاى لمهندس مرموق يتجوز من امرأة غبية مثل ليلي .. معظم النساء اما غبيات بالفطرة اوبالوراثة .. ولذلك يأتي الاطفال معظمهم اغبياء .. ويكون

- معظم افراد المتجمع اغبياء .
- لبيلي (تبكي ) عايزي اروح إلي بيتي ..
- صبرية (تنظر لرجل ١ سييها تروح بيتها .
- رجل ٣ (يضرب صبرية بالكراج ) مفيش حد يطلب الخروج من السيد الهمشري ..لا بد
- تحترموا قوانين السيد الهمشري .
- لبيلي فين الرحمة .. فين الاحساس .
- رجل ١ رحمه واحساس .. انتي با ذات ياصبرية ما تتكلميش عن رحمة . فكرها
- رجل ٢ حاضر (يخرج دفترًا ويقرأ ) يوم وفاة جوزك الله يرحمه مانزلتيش ولا دمعته ..
- رجل ١ حتي عنكي العسلية الجميلة دي ما نزلتش ولا دمعته
- صبرية مين اللي قالك الحكاية دي
- رجل ١ مش حصل
- صبرية كنت مصدومه ..كان كبيرالبيت وكبير العيله والكبير لما يموت بيحصل زلزال في
- كلهم كانوا يبكيوا وانا مش مصدقه انه مات
- رجل ١ الستات قعدوا يتكلموا بالغمز واللمز ..عليكي .. قالوا كانت بتكرهه .
- صبرية دي حياتي الخاصة وانا حرة فيها .
- رجل ٢ (يضربها ) مفيش حد حر .. فيه قوانين السيد الهمشري ...
- رجل ١ ماتضربهاش .. الست صبرية حساسة قوي .
- لبيلي سييونا في حالنا .. ماعندناش فلوس ..
- رجل ٣ فلوس يا ام فلوس ..
- لبيلي لوكنتم جايين تاخذوا بالتار .. أوكد لكم إحنا محايدين ..مالناش دعوه بحد .
- رجل ١ الحياذ موت .. ومفيش معني للحياذ دلوقت مع اوضد معانا ياضدنا .. معانا
- حتعيشوا معانا في سلام .. ضدنا حنولع فيكم حته .حته دراعتكم الاول وبعدين
- رجليكم .



- لبيلي لا .. كل واحد .
- رجل ٢ (يضربها ) انتي ليه طويلة اللسان .
- لبيلي أي .. أي ...
- رجل ١ ياليلي .. مفيش حدحر .. مثلاً جوزك المهندس بيسيب المقاول اللي بيني العمارة بينيها علي مزاجه لا .. فيه انطباط . قانون . بناء .. الحياذ موت
- صبرية انت جيت علشان تدينا درس في الفلسفة .
- رجل ٤ (يضربها ) اخرسي .. اتكلمي بأدب مع السيد الهمشري .
- صبرية أي .. أي ....
- رجل ١ احنا دتمقراطيين . اتكلمي يا صبرية . احنا مؤمنين بالحرية المنضبطة يعني حريتنا
- احنا مش حريتك انت ..
- صبرية أي حرية بيتكلم عنها ..
- رجل ١ الحرية كلمة مطاظة . يا عزيزتي وانتي عايزه مفهوم محدد للحرية دا معناه انك مش موافقة علي رأينا وتصرفاتنا .. الحرية عندك انك تسمحى بدخول اهلك البيت اما اهل جوزك لا .. مش كده ..
- صبرية عرفت كل دا ازاى . كل اسرار حياتي .
- رجل ١ مش قلت لك احنا فوق الاسرار .
- رجل ٣ نحن فوق الاسرار . نعرف الاسرار ونحطها في ملفات ولما نحتاج الملفات نطلعها .. في الوقت المناسب ..
- رجل ١ انا بدأت احس با لجوع . يلا علي المطبخ .
- لبيلي انا مش ح ادخل المطبخ .
- رجل ٤ (يصفعها ) ما تقوليش لا .. تقولي حاضر . حاضر حتي لو انهارت الدنيا كلها تقولي حاضر .
- رجل ١ يا جماعة مفيش داعي للعنف ..
- رجل ٥ ياسيد همشري الستات دي مش عارفه حقيقتهم .

- رجل ١ .. انا جعان يلا علي المطبخ ..
- (يسحب رجل ٢ ليلي ورجل ٣ صبرية ويذهبان إلي المطبخ )
- رجل ٤ (يجلس امام رجل ١ مع رجل ٥ ويجلسون يلعبون الاوراق (الكوتشينه )
- رجل ١ .. اللعب .
- رجل ٤ دي ليلة العمر ..
- رجل ٥ اللعب كويس
- رجل ١ يلا يا كسالي .. انا جعان .. انا اكل هاتوه بسرعة .
- رجل ٥ (يدير التلفزيون )(استعراضات واغاني )
- (تدخل ليلي وصبرية كل منهما تحمل الاطباق )
- رجل ١ كفاية لعب الاكل جه ..
- رجل ٢ الستات رائعات في تحضير الاكل ..
- رجل ١ صبرية طبخة مشهود لها ..
- رجل ٣ واحنا بناكل .. ارقصوا لنا شوية مع أغاني التلفزيون .
- رجل ١ فكرة مدهشه .. الرقص مع الاكل .
- رجل ١ يلا .
- لبيلي انا ما اعرفش ارقص .
- رجل ٤ لا تعرفي .
- لبيلي مش ممكن اعمل كده .
- رجل ٣ اسمعي الكلام عقليها يا صبرية .
- صبرية انا ح ارقص بس سيبوها هي ..
- رجل ١ (يقف غاضبا ) لا .. انتوا الاثنين . انت وهي
- لبيلي انا مش ح ارقص .

- رجل ١ (يصفعها ) لا حترقصي .
- لبلي لا مش ح ارقص .
- رجل ١ (يصفعها ) حترقصي .
- (يلتفت الرجال الاربعة حولها يضربونها ماعدا رجل ١ ) ( حتي تنهار )
- رجل ١ كفاية ..كفاية .. دي ست محافظة . مارحتش السينما الا سبع مرات في حياتها .  
ودخلت المسرح مرة واحدة في حياتها وماسمعتش نشرة الاخبار كاملة مرة واحدة  
تسمع الموجز ويس  
ح ارقص .. انا ..سيبوها ..
- صبرية انتوا الاثنين .
- رجل ١ ارقصي يا صبرية علميها الرقص . علميها الدلع السيكس في الرقص
- رجل ٣ انا مش ح ارقص . مش ح ارقص ( تصاب بهستريا ) اطلعوا من بيتي يا اولاد  
الكلب  
( تتشاجر هي ويلي معهم في صراع دامي يهدم البيت )  
( تسقط المراتان .. ظلام علي المسرح ) ( ضوء )  
(تعود الإضاءة..تفتح علي حجرة نوم..سرير وصبرية نائمة وكأن شيئاً لم يحدث  
تنظر حولها تجد كل شئ كما كان..تقوم مفزوعة تنظر في المرأة تجد أصابة في  
وجهها..تصرخ وتبكي )
- صبرية ايه اللي بيحصل في العالم ده .

(ستار بيطئ)



